

## Transkription von Urkunde DAN 1366a

Ort, Datierung: Danzig, 1366-05-14

Signatur: Staatsarchiv Riga, Fonds 673, App. 2, 23

Inhalt: Rat der Stadt Riga: Soldbrief eines Armbrustschützen

Bemerkung: 2. Exemplar unter RIG\_1366a

---

Wy gherart meye vnde Egbrecht g(ri)peswold Ratlude tho ryge hebben ouer en / ghedreghen van vnser stat weghene myt Joh(ann)es El(b)inghe deme arnborsterere tho / dantzike in desser wyse dat men eme scal gheuen alle jar twe mark ryges / vnde ene halue last roghen dar tho scalme ene cleden like des stades knapen / ok scal he vrig sin van vnghelde dat vnse borgere vt gheuet alsze van wachte / vnde van schote vnde scal hebben vrighe hus hure des scal he alle jar up antworten / up dat rathus tho ryge ver gũde bank arnborste vortm(er) scalme eme lonen dat / redelik vnde thidelik js wat he betert van olden arnborsten vnde van notstallen / desse dingh su(n)t ghe schen tho dantzike na godes bort drutteyn hundert jar vnde sos vnde sostich jar in dem daghe vnser heren hemmeluart in jeghenwordicheit / vnser borgere ludbrecht ostinehuzen vnde Tymme holsten .